

四庫全書薈要

• 乾隆御覽本

集部

欽定四庫全書薈要

集部

李義山詩集注卷一上



臣
王杰詳校

詳校官助教臣常循

李義山詩集注

提要

臣等謹案李義山詩集三卷

國朝朱鶴齡注鶴齡字長孺吳江人李商隱詩
舊無注本故元好問論詩絕句有詩家總愛
西崑好只恨無人作鄭箋之語明末釋道源
始為作注王士正論詩絕句所謂獺祭曾驚



博奧殫一篇錦瑟解人難千秋毛鄭功臣在

尚有彌天釋道安者即為道源是注作也然

其書徵引雖繁實冗襍寡要多不得古人之

意鶴齡刪取其什一補輯其什九以成此注

一掃諸家穿鑿附會之說繁簡頗為得當故

後來注商隱集者如程夢星姚培謙諸家大

抵以鶴齡為藍本惟商隱以婚於王茂元之

故為令狐綯所擠淪落終身特文士輕於去

就苟且目前之常態鶴齡必以為茂元黨李
德裕綯父子黨牛僧孺商隱之從茂元為擇
木之智渙丘之公然則令狐楚方盛之時何
以從之受學令狐綯見讐之後何以又屢啟
陳情新舊唐書班班具在鶴齡所論未免為
回護之詞至謂其詩寄托深微多寓忠憤不
同於溫庭筠段成式綺靡香艷之詞則所見
特深為從來論者所未及所作詩譜排此時

事與其詩互相叅證亦頗有條理惟於乙卯
年有感二首詠文宗甘露之變者引錢龍惕
箋以李訓鄭注為奉天討死國難則觸於明
末黨禍有激而言與詩中如何本初輩自取
屈楚誅臨危對盧植始悔用龐萌諸句顯相
背觸殊失商隱之本旨又重有感一首所謂
竇融表已來關右陶侃軍宜次石頭者竟以
稱兵犯闕望劉從諫所見至為乖刺鶴齡又

引龍惕之語附和其說不加駁正亦未免昧
於事理然如據房中曲定錦瑟為悼亡於無
題諸作注家所囁囁而爭者亦闕所不知不
主曲說其推陷廓清之功固超出諸家之上
矣乾隆四十二年十月恭校上

總纂官

臣紀昀

臣陸錫熊

臣孫士毅

總校官

臣陸費墀

臣陸費墀

臣陸費墀

李義山詩集注原序

申酉之歲予箋杜詩於吾吳琴川之紅豆莊既卒業主人謂予曰玉溪生詩沈博絕麗王介甫稱為善學老杜惜從前未有為之注者元遺山云詩家總愛西崑好只恨無人作鄭箋予何不併成之以嘉惠來學予因緝覈新舊唐書本傳以及箋啓序狀諸作所載於英華文粹者反覆參考乃喟然嘆曰嗟乎義山蓋負才傲兀抑塞於鈞黨之禍而傳所云放利偷合詭薄無行者非其實

也夫令狐綯之惡義山以其就王茂元鄭亞之辟也其惡茂元鄭亞以其為贄皇所善也贄皇入相薦自晉公功流社稷史家之論每曲牛而直李茂元諸人皆一時翹楚綯安得以私恩之故牢籠義山使終身不為之用乎綯特以仇怨贄皇惡及其黨因併惡其黨贄皇之黨者非真有憾於義山也太牢與正士為讐綯父楚比太牢而深結李宗閔楊嗣復綯之繼父深險尤甚會昌中贄皇擢綯臺閣一旦失勢綯與不逞之徒竭力排陷之

此其人可附離為死黨乎義山之就王鄭未必非擇木之智渙丘之公此而目為放利偷合詭薄無行則必將朋比奸邪擅朝亂政如八閩十六子之所為而後謂之非偷合非無行乎且吾觀其活獄弘農則忤廉察題詩九日則忤政府於劉蕢之斥則抱痛巫咸於乙卯之變則銜冤晉石太和東討懷積骸成莽之悲党項興師有窮兵禍胎之戒以至漢宮瑤池華清馬嵬諸作無非諷方士為不經警言色荒之覆國此其指事懷忠鬱紆激切



直可與曲江老人相視而笑斷不得以放利偷合詭薄
無行嗤摘之者也或曰義山之詩半及閨闈讀者與玉
臺香奩例稱荆公以為善學老杜何居子曰男女之情
通於君臣朋友國風之螓首蛾眉雲髮瓠齒其辭甚褻
聖人顧有取焉離騷託芳草以怨王孫借美人以喻君
子遂為漢魏六朝樂府之祖古人之不得志於君臣朋
友者往往寄遙情于婉孌結深怨於蹇修以序其忠憤
無聊纏綿宕往之致唐至太和以後閨人暴橫黨禍蔓

延義山阨塞當塗沈淪記室其身危則顯言不可而曲
言之其思苦則莊語不可而謾語之計莫若瑤臺璫宇
歌筵舞榭之間言之可無罪而聞之足以動其梓州吟
云楚雨含情俱有託早已自下箋解矣吾故曰義山之
詩乃風人之緒音屈宋之遺響蓋得子美之深而變出
之者也豈徒以徵事與博擷采妍華與飛卿柯古爭霸
一時哉學者不察本末類以才人浪子目義山即愛其
詩者亦不過以為帷房暱媾之詞而已此不能論世知

人之故也予故博考時事推求至隱因箋成而發之以
復於主人且以為世之讀義山集者告焉順治己亥二
月朔朱鶴齡書於猗蘭堂

李義山詩集注卷一上

吳江朱鶴齡注

錦瑟

錦瑟無端五十絃

周禮樂器圖雅瑟二十三絃頌瑟二十五絃飾以寶玉者曰寶瑟繪文如

錦曰錦瑟漢書郊祀志

泰帝使素女鼓五十絃瑟悲帝

禁不止故破其瑟為二十

五絃或曰呂氏春秋云朱襄

氏作五絃瑟以采陰氣

以定羣生替叟乃拌五絃為十

五絃之瑟命之曰大章舜

立乃益八絃以為二十三絃

之瑟此詩五十絃當倒其

文為十五絃與下思華年相

應一云五十疑作廿五

正用素女事廿人汁切音入古

人書二十字多併省為廿顏之推稽聖

賦中山何夥有子百廿但詩家罕用 一絃一柱思華

年莊生曉夢迷蝴蝶

莊子昔者莊周夢為蝴蝶栩栩然蝶也

望帝春心託

杜鵑

水經注來歟本蜀論望帝者杜宇也從天下女子朱利自江源出為宇妻遂王於蜀號曰望帝蜀王

本紀望帝使鼉靈治水與其妻通慚愧且以德薄不及

鼉靈乃委國授之望帝去時子規方鳴故蜀人悲子規

鳴而思望帝成都記望帝死其滄海月明珠有淚文選

魂化為鳥名曰杜鵑亦曰子規

滿則珠全月虧則珠闕郭憲別國洞冥記味勒國在日

南其人乘象入海底取寶宿於鮫人之宮得淚珠則鮫

人所泣之珠也亦曰泣珠博物志南海外有藍田日暖

鮫人水居如魚不廢績織其眼泣則能出珠

玉生烟

長安志藍田山在長安縣東南三十里其山產玉亦名玉山搜神記揚公雍伯家無終山有人

與石子一斗令種之時時往視見玉生石上人莫知也
北平徐氏有女公試求之要以白璧一雙伯至玉田求
得五雙徐氏此情可待成追憶只是當時已惘然
遂以女妻之
按義山房中曲歸來已不見錦瑟長於人此詩寓意
畧同是以錦瑟起興非專賦錦瑟也絢素雜記引東
坡適怨清和之說吾不謂然恐是偽託耳劉貢父詩
話云錦瑟當時貴人愛姬之名或遂實以令狐楚青
衣說尤誣妄
當正之

重過聖女祠

水經注武都秦岡山懸崖之側列
壁之上有神像狀婦人之容其形

上赤下白世名之曰聖女神福應愆違
方俗是禱按武都今漢中府畧陽縣地

白石巖扉碧蘚滋上清淪謫得歸遲

靈寶本元經四人
天外曰三清境玉

清太清上清亦名三天太真經三清之間各有正位聖
登玉清真登上清仙登太清釋道源注上清藥珠宮大

道玉宸一春夢雨常飄瓦夢雨用巫山神女事九盡日

靈風不滿旗陶貞白真誥英王夫人歌阿母延軒觀朗

霞叶夢綠華來無定所真誥夢綠華者自云是南山人

色絕豎以晉穆帝昇平三年十一月夜降於羊權家自
此往來一月之中輒六過其家授機尸解藥亦隱景化

形而杜蘭香去未移時壻城仙錄杜蘭香者有漁父於

一二歲女子漁父憐而舉之十餘歲天安奇偉靈顏姝
登天人也忽有青童自空下集其家攜女去臨升天謂

漁父曰我仙女也有過謫人間今去矣其後降於洞庭
包山張碩家搜神記漢時有杜蘭香者自稱南康人氏

以建業四年春數詣張碩言本為君作妻情無曠
遠以年命未合其小乖太歲東方卯當還求君
玉郎

會此通仙籍

真誥北元中玄道君太保玉郎李靈飛之
小妹道源注雲笈七籤登命九天司命侍

仙玉郎開紫陽玉笈雲錦
之囊出九天生神玉章

憶向天階問紫芝

茅君內傳
句曲山有

神芝五種其三色紫形如葵葉光
明洞微服之拜為太清龍虎仙君

寄羅劬興

一作興

棠棣黃花發

棠棣疑即唐棣本
草不言花黃候

忘憂碧葉齊

博物志合
歡蠲忿萱

草忘憂

人間微病酒燕重遠無泥混沌何由鑿

莊子鑿七
日而混沌

死青冥未有梯

楚詞據青冥而攬虹兮注青
冥雲也謝朓詩共登青雲梯

高陽舊徒

侶史記酈生叱使者曰八時復一相攜

令狐舍人說昨夜西掖翫月因戲贈唐書令狐

楚之子大中三年拜中書舍人襲封平陽男初學記中書省在右因謂中書為右曹又稱西掖

昨夜玉輪明一作門誤○李賀詩傳聞近太清世說會

子齋中夜生於時天月明淨都無纖翳歎以為佳謝景重曰意謂不如微雲點綴王因戲謝曰卿居心不淨乃

復強欲滓涼波衝碧瓦漢郊祀志月穆穆以金波曉暈

落金莖廣韻暈日月旁氣也漢武故事帝作金莖樂王杯承雲表露和玉屑服之以求仙西都賦摧雙

立之金莖注露索秦宮井廣韻綆井索古樂府桃生露金莖銅柱也井上曹植述行賦濯予身於

春風絃漢殿箏

杜甫詩風箏吟玉柱丹鉛錄古人殿閣簷梭間有風琴風箏皆因風動成音自

叶宮

幾時繇竹頌擬薦子虛名

漢書繇竹縣屬廣漢郡蔡夢弼杜注繇竹產漢

州綿竹縣之紫岩山揚雄甘泉賦序孝成帝時客有薦雄文似相如者翰注雄嘗作綿竹頌成帝時直宿郎揚莊誦此文帝曰似相如之文莊曰非也此臣邑人揚子雲帝即召見拜黃門侍郎按子雲答劉歆書云先作繇郎銘王倕頌階闥銘及成都四隅銘蜀人揚莊為郎誦之於成帝帝以為似相如後又作繇補靈節龍骨之銘詩三章成帝好之遂得盡意不及繇竹頌翰注云云不知何本五臣注極為東坡所譏然間有可采者如此事義山亦引用之矣

崔處士

真人塞其內夫子入於機

莊子萬物出乎機入乎機

未肯投竿起惟

歡負米歸

家語昔者由也為親百里負米

雪中東郭履

史記東郭先生行雪中履有上

無下足盡履地

堂上老萊衣

列士傳老萊子行年七十作嬰兒娛親著五采斑斕衣

讀遍

先賢傳如君事者稀

自喜

自喜蝸牛舍

古今注蝸牛陵螺也野人為圓舍如其殼曰蝸舍魏志焦先自作一蝸牛廬淨掃其

中兼容燕子巢綠筠遺粉籜

韻會筠竹青皮白居易易詩筠粉汗新衣

紅藥

綻香苞

謝朓詩紅藥當階翻

虎過遙知甯魚來且佐庖慢行成醪

酹鄰壁有松膠本草松葉松節松膠皆可為酒能已疾裴明傳奇酒名松膠春

題僧壁

捨生求道有前蹤
乞腦剗身結願重道源注知玄三昧

棄涕唾報恩經
有婆羅門往乞其頭
王許之婆羅門尋

斷王頭持還本國
又轉輪聖王為求佛法
有一婆羅門

言若能就王身上剗作千瘡
灌滿膏油安大去便應欺

施燈炷燃以供養者
我當為汝解說佛法

粟顆陳祿源曰佛偈一粒粟
中藏世界即此句義

小來無可隱
針鋒道源注維摩經

如持一針鋒
舉一粟葉而無所

燒涅槃經尖頭針鋒
受無量衆一作永蚌胎未一作永滿思新桂

呂氏春秋月望則蚌蛤實羣陰盈月晦則蚌蛤虛羣陰

缺吳都賦蚌蛤珠胎與月虧全虞喜安天論俗傳月中

有仙人挂樹今視其初生見仙人之足漸琥珀初成憶已成形挂樹後生李賀詩新挂如蛾眉

舊松

陳藏器本草舊說松脂入地千年化為琥珀今燒之亦作松氣○按新挂舊松即未來過去之喻

若信貝多真實語

酉陽雜俎貝多出摩伽陀國西土用以寫經長六七大經冬不凋齊民要

術嵩山記云嵩高寺中忽有思惟樹即貝多也一年三花翻譯名義集貝多形如此方搜擲直而且高長八九十尺花如黃米子西域記云南印建那補羅國北不遠有多羅樹林三十餘里其葉長廣其色光潤諸國書寫無不采用般若經如來是真語者實語者三生同聽一樓鐘道源註過未現為三生

霜月

初聞征雁已無蟬百尺樓高水接天青女素娥俱耐苑

英華冷淮南子秋三月青女乃出以降霜雪高誘注青女青腰玉女主霜雪也謝莊月賦集素娥於后

庭注嫦娥竊藥奔月月中霜裏關嬋娟
月色白故曰素娥

異俗二首

原注時從事嶺南○本傳給事中鄭亞廉察桂州請為觀察判官檢校水

部員
外郎

鬼瘡朝朝避

後漢禮儀志注顓頊氏有三子生而亡去為疫鬼一居江水為瘧鬼賓退錄高力士

流巫州李輔國授謫制力士方逃瘧功臣閣下則避瘧之說自唐已然

春寒夜夜添未驚

雷破柱

世說夏侯太初嘗倚柱作書時大雨霹靂破柱衣服焦焚神色無變

不報水齊簷

虎箭侵膚毒

桂海虞衡志蠻箭以毒藥濡箭鋒中者立死藥以蛇毒草為之

魚鉤刺骨

銛

嶺表志鯉魚大如船牙如鋸齒尾有三鈎極利遇鹿豕即以尾戕之

鳥言成諛訴

一作詐

韓愈大小吏十餘家皆鳥言夷面北山移多是恨彤幃

文牒訴位認裝其懷注牒文牒也訴告也

一作檐○周禮巾車有容蓋鄭司農云容謂檐車山東謂之裳幃以幃障車旁如裳為容飾其上有蓋四旁垂而下謂之檐職原皂

蓋分輝形檐昭彰

戶盡懸秦網地理志桂林郡本秦置網罟之利開於秦故曰秦網

家多事越巫

漢郊

祀志命越巫立越祝祠安臺無壇亦祠天神帝百鬼而以雞卜

未曾容獺祭

月令孟春之月獺祭

魚然後虞人入澤梁

只是縱猪都

酉陽雜俎伍相奴或擾人許於伍相廟多已舊說一姓姚二姓

王三姓汪昔值洪水食都樹皮餓死化為鳥都皮骨為猪都婦女為人都在樹根居者名猪都在樹半可攀及

者名人都在樹尾者名鳥都南中多食其巢味如木芝窠表可為履履治脚氣點對連鰲餌

龍伯之國有大人搜索縛虎符抱朴子道士趙炳能禁虎虎伏地低頭閉目便

一釣而連六鰲可執縛其詔道家有制虎豹賈生無事鬼漢賈誼傳上方受釐坐宣

符南中多虎故求符禁之室因感鬼神事問以鬼神不信有洪爐莊子今一以天

之本誼具道所以然之故鵬鳥賦天地為爐兮造化

為工杜甫詩汨沒聽洪爐歸墅按詩有踰南極之

行李踰南極旬時到舊鄉楚芝應徧紫十道志商洛山在商州東南九

十里亦名楚山高士傳四皓避秦入鄧橘未全黃唐書

商洛山作歌曰暉暉紫芝可以療饑欽定四庫全書李義山詩集注

志鄧州南陽郡屬山南東道王維詩
商山包楚鄧張衡南都賦穰橙鄧橘渠濁村春急杜甫詩村

春雨旗高社酒香廣韻青帘謂之酒旗張載酒賦擬酒旗於玄象白居易詩青旗沽酒起梨

花故山歸夢喜先入讀書堂

商於唐書商州上洛郡屬關內道即古商於地

商於朝雨霽歸路有秋光背塢猿收果投巖麝退香埤

麝絕愛其香為人追逐即建瓴真得勢漢書高帝紀下兵於諸侯譬猶

自投高巖舉爪剔出其香建瓴真得勢史記張儀說楚能閉關絕齊請

居高屋之上橫戟豈能當割地張儀詐史記張儀說楚能閉關絕齊請

建瓴水也

獻商於之地六百里楚謀身綺季長三輔舊事漢惠帝為四皓立碑一曰

果絕齊求地儀與六里

園公二曰綺里季三曰清渠州外月黃葉廟前霜今日
夏黃公四曰角里先生

看雲意依依入帝鄉

和孫朴韋蟾孔雀詠

唐詩紀事韋蟾字隱珪下
杜人表徵之子大中七年

進士為徐商掌書記咸通末官尚書左丞○按
義山樊南乙集序云大中二年自桂府歸為藍

屋尉與孫朴韋嶠同

官詩當作於是時

此去三梁遠

三梁在桂管本集為鄭亞桂州
謝上未三梁路阻九嶠山遙

今來萬里

攜西施因網得

西鮒叢語吳越春秋云吳亡西子被殺
杜牧之詩西子下姑蘇一舸逐鵝夷後

人遂云范蠡將西子去嘗疑之別無所據揚慎曰修文
御覽引吳越春秋逸篇云吳亡後越浮西施於江令隨

鴟夷以終浮沈也反言耳隨鴟夷者子胥諧死盛以鴟夷西施有力焉今沈之江所以報子胥之忠一按西施沈江事容有之但此云西施因網得他詩又云莫將越客千絲網網得西施別贈人皆言初得西施非吳亡後事也其故實未詳疑秦客被花迷秦客未詳集內無題出小說家今逸之耳

秦客被花迷

秦客未詳集內無題詩豈知一夜秦樓客

偷看吳王苑內

可在青鸚鵡

山海經黃山有鳥焉青羽赤喙人舌能言名曰鸚鵡

花疑即此秦客

南方異物志鸚鵡有三種一種青大如烏鴛一種白大如鸛鷖一種五色大於青者交州巴南盡有之

非

關碧野雞

漢郊祀志秦文公獲若石於陳倉北阪城祠之其神從東方來若雄雉其聲殷殷云野雞

皆鳴入云宣帝時或言金馬碧雞之神可醮祭而致於是遣王褒持節求焉○言孔雀如青鸚鵡之可玩非若

碧野雞之形聲恍惚也

約眉憐翠羽

登徒子好色賦眉如翠羽

刮目

一作膜

想金

覽淫繁經有盲人詣良醫瘴氣籠飛遠蠻花向坐低

漢續

書西南夷曰滇池出孔雀是從蠻瘴中來也埤雅博物志云孔雀尾多變色有金翠始春而生三四月後復凋

與花萼相榮哀杜甫輕於趙皇后西京雜記趙后體輕

詩翠尾金花不辭辱

帖飛燕體輕貴極楚懸黎戰國策梁有懸都護矜羅幕

能為掌上舞

杜氏通典漢置西域都護唐永徽中始於佳人炫繡袿

邊方置安東安西安南安北四大都護府

音圭○釋名婦人上服曰袿廣屏風臨燭釵說天釵金

雅長襦也沈約詩先表繡袿香

捍撥倚香臍樂府雜錄琵琶以蛇皮為槽厚二寸餘鱗

介亦具以揪木為面其捍撥以象牙為之

海錄碎事金捍撥在琵琶面上當絃或以金塗為飾所以捍護其撥也說文麝如小麋臍有香舊思牽

雲葉

陸機雲賦金柯分玉葉散
新愁待雪泥

盧綸送張少府詩判

詞花落紙擁
吏雪成泥

愛堪通夢寐畫得不端倪地錦排蒼雁

鄭

津陽門詩

錦鳬繡雁相追隨注

簾釘鏤白犀

李賀詩玳瑁釘簾薄

溫泉湯中縫綴錦繡為鳬雁

簾

釘鏤白犀

李賀詩玳瑁釘簾薄

東觀漢記章帝元和元年日南獻白

曙霞星斗外涼月

雄白犀廣志犀角之好者稱雞珠白

曙霞星斗外涼月

露盤西

三輔故事武帝於建章宮立銅柱

妬好休誇舞

紀聞孔雀自喜其尾而甚妬遇婦人童子好衣服
必逐而啄之聞管絃笙歌必舒張翅尾盼睇而舞
經寒

且少啼

顧有孝曰北地多寒戒之以少啼

紅樓三十級

酉陽雜俎長樂坊安國寺紅樓睿宗在藩時舞榭也李

白詩紫殿紅樓覺春好王建宮詞禁寺紅樓內裏通

穩穩上丹梯

謝靈運詩躡步凌丹梯注丹梯陞階也。○後四語全是寓意

人欲

人欲天從竟不疑莫言圓蓋便無私

劉氏正歷問黃帝為蓋天以天象蓋

宋玉太言賦方地

為車圓天為蓋 秦中久已烏頭白

藝文類聚燕丹子曰秦止燕太子丹

為質曰烏頭白乃可歸

丹仰天歎烏即白頭 却是君王未備知

華山題王母祠

蓮華峰下鎖雕梁

華山記山巔有池生千葉蓮花服之羽化因名華山此去瑤池

地共長

穆天子傳天子觴好為麻姑到東海勸栽黃竹

王母於瑤池之上

莫裁桑

神仙傳麻姑謂王方平曰接待以來見東海三

變為桑田向到蓬萊水淺於往時畧半也宣將

復還為陸陵乎方平笑曰聖人皆言海中行復揚塵也

穆天子傳

天子遊黃臺之丘獵於華澤有陰雨天子乃

休日中大寒北風雨雪有凍人

天子作

詩三章以哀之曰我徂黃竹負閼寒

華清宮

唐書天寶六載改驪山溫泉宮曰華清宮治湯為池環山列宮殿

華清恩幸古無倫

唐書太真得幸進冊貴妃三妙皆美帝呼為姨帝幸華清貴妃與三夫人

皆從道簪墜為瑟瑟璣玕狼籍於道香聞數十里

猶恐蛾眉不勝人未免被他

褒女

一作氏

笑只教天子暫蒙塵

言褒女能滅周而玄蒙不久便歸國是貴妃之

傾城猶在褒女下也二語淡著色荒之戒意最警策

楚澤

夕陽歸路後霜野物聲乾集鳥翻漁艇殘虹

一作紅

拂馬

鞍劉楨元抱病

劉楨詩余嬰沈痼疾竄身清漳濱

虞寄數辭官

南史虞寄字次

安性冲靜有栖遁志大同中閉門稱疾惟以書籍自娛

陳寶應既擒文帝敕章昭達發遣還朝衡陽王出閣手

敕用為掌書記後除東中郎建安王諮議加昭戎將軍

寄辭以疾王於是命長停公事其有疑議就以決之

白紵經年卷

說文紵夾衣無絮亦作袂真誥許長史著葛帳單衣白紵李賀詩白紵王郎寄挑葉

西來及

一作又

早寒

蟬

本以高難飽徒勞恨費聲五更疎欲斷一樹碧無情薄
宦梗猶汎故園蕪已平煩君最相警我亦舉家清

江亭散席循柳路吟歸官舍

春詠敢輕裁銜辭入半杯已遭江映柳更被雪藏梅寡
和真徒爾殷憂動即來從詩得何報惟感一作看二毛催

潭州

唐書潭州長沙郡屬江南西道元和郡縣志隋平陳改湘州曰潭州取昭潭為名

潭州官舍暮樓空今古無端入望中湘淚淺淡滋竹色

博物志舜二妃曰湘夫人舜崩二妃啼以淚揮竹竹盡斑

楚歌重疊怨蘭叢

楚詞九歌稱澧

蘭秋蘭者不一故

陶公戰艦空灘雨

晉陶侃傳劉弘為荊州刺史以侃為

江夏太守又加督護使與諸軍并力拒陳恢侃乃以運船為戰艦所向必破後討杜弢進克長沙封長沙郡公

賈傳承塵破廟風

西京雜記賈誼在長沙鵬鳥集其承塵俗以鵬鳥至人家主人死誼作鵬

鳥賦釋名承塵施於上以承塵土也家宇記賈誼廟目在長沙縣南六十里廟即誼宅宅中有井上圖下方

斷故園人不至松膠一醉與誰同

贈劉司戶

賁○唐書劉賁字去華昌平人太和二年策試賢良賁切論黃門太橫將

危宗社考官不敢留賁在籍中人讀其文至有相對垂泣者令狐楚在興元牛僧孺在襄陽皆

辟為從事中人嫉之

誣以罪貶柳州司戶

江風吹浪動雲根

張協詩雲根臨八極注雲根石也雲觸石而生故曰雲根

重碇危

檣白日昏

韻會碇鎮舟石

已斷燕鴻初起勢更驚騷客後歸魂

漢廷急詔

一作召

誰先入楚路高歌自欲翻萬里相逢歡

復泣鳳巢西隔九重門

帝王世紀黃帝時鳳凰止帝東園或巢於阿閣九辨君之門兮

九重道源曰東坡詩九重新掃舊巢痕本此

哭劉司戶二首

黃卒於貶所

離居星歲易失望死生分酒甕凝餘桂

楚詞奠桂酒分椒漿

書籤

冷舊芸

杜甫詩書籤映夕曛魚豢魏略芸香辟紙魚蠹故藏書臺曰芸臺

江風吹鴈急

山木帶蟬曛一叫千迴首天高不為聞

有美扶皇運無誰薦直言已為秦逐客復作楚冤魂

屈謂

原杜甫詩應共冤魂語投詩贈汨羅

湓浦應分派

廬山記江州有青益山故其城曰湓城浦曰湓

浦一統志湓浦在今九江府城西江賦流九派乎尋陽

荆江有會源并將添恨淚

一灑問乾坤

悼傷後赴東蜀辟至散關遇雪

本傳柳仲郢鎮東川辟為節度

判官檢校工部郎中方輿勝覽大散關在梁泉縣為秦蜀要路通志在鳳翔府寶雞縣城南通褒斜大路屬漢中府

劍外從軍遠

劍外 劍閣之外也 杜甫詩草木變衰行劍外

無家與寄衣散關

三尺雪回夢舊駕馬機

樂遊原

兩京新記漢宣帝樂遊廟一名樂遊苑亦名樂遊原基地最高四望寬敞

向晚意不適驅車登古原夕陽無限好只是近黃昏

北齊二首

一笑相傾國便亡何勞荆棘始堪

一作悲

傷

吳越春秋夫差聽讒子胥

垂涕曰以曲為直舍讒攻忠將

小憐玉體橫陳夜

北齊書後

滅吳國城郭丘墟殿生荆棘

主馮淑妃名小憐大穆后從婢也穆后愛衰以五月五日進之號曰續命慧點能彈琵琶工歌舞後主惑之願

得生死一處宋玉諷賦主人之女為臣歌曰內怵惕兮
但五牀橫自陳兮君之旁釋德洪楞嚴合論引司馬相
如好色賦曰花容自獻玉體已報周師入晉陽北齊書
橫陳今此賦不傳或出假託
年十二月周武帝來救晉州齊師大敗帝棄軍先還留
安德王延宗等守晉陽帝走入鄴辛酉延宗與周師戰
大敗為周師所虜

巧笑知堪敵萬幾傾城最在著戎衣晉陽已陷休回顧
更請君王獵一圍北齊書周師取平陽帝獵於三堆晉
州告急帝將還淑妃請更殺一圍從
之

街西池館

杜牧有街西詩鼓吹注長安領街西
五十四坊及西市多王公貴戚之家

白閣他年別

通志紫閣白閣黃閣三峰俱在圭峰東紫閣旭日射之爛然而紫白閣陰森積雪不

融黃閣不知所謂三峰相去不甚遠

朱門此夜過

晉書

歌南開朱門

疎簾留月魄珍簾接煙波太守三刀夢

晉書

北望青樓

王濬夢懸三刀於梁上須臾又益一刀李毅曰三

將軍

刀為州又益者明府其臨益州乎果遷益州刺史

一箭歌

唐詩紀事揚巨源詩三刀夢益州一箭取遼城由是知名此詩三刀一箭即用巨源語但下事

來國祖容客旅香熟玉山禾

張協七命瓊山之木善曰瓊山即崑崙山山海經崑

崙之上育木禾長五尋大五圓飽煇詩遠食玉山禾

南朝

玄武湖中玉漏催

宋書元嘉二十三年築北隄立玄武湖於樂遊苑北建康實錄吳開城北

渠引後河水流入新宮又名練湖徐爰釋問曰本桑泊晉大興三年始創北湖築長隄以壅北山之水來自覆

舟山西至宣武城六里餘宋元嘉中有黑龍見因改玄武湖張衡渾天制以玉虬吐漏水入兩壺李蘭刻漏法

以玉壺玉管流珠

雞鳴埭口繡襦迴

南史齊武帝數幸琅瑯城宮人常從

馬上奔馳行漏

早發至湖北埭雞始鳴故呼為雞鳴埭一統志在青溪西南潮溝之上

誰言瓊樹朝朝見

陳書後主製新曲有玉樹後庭花臨江樂等其畧云璧月夜夜滿瓊樹朝朝新大抵美張貴妃孔貴嬪之容色

二句乃江不及金蓮步步來

齊書東昏侯鑿金為蓮花總詞也貼地令潘妃行其上曰此

步步生敵國軍營漂木梯

隋書大帝將伐陳命大作戰船或請密之文帝使投梯於

江曰若彼能前朝神廟鎖烟煤

陳書後主於郭內大皇佛寺起七層塔未畢火

從中起飛至石頭燒死者甚衆

滿宮學士皆顏

一作蓮

色

陳書後主起臨春結綺望仙等

閣珠簾寶帳服玩瑰麗近古未有上自居臨春張貴妃居結綺孔龔二貴嬪居望仙復道往來以宮人衣大捨

等為女學士

江令當年只費才

陳書江總字總持後主授尚書令總為宰輔不親政務侍

宴後庭謂之狎客與諸嬪妃及女學士共賦詩采其尤豔麗者被以新聲

復京

唐書德宗建中四年十月涇原卒擁朱泚叛上如奉天興元元年二月如梁州五月

戊戌李晟收復京城七月壬子上至自興元

虜騎胡兵一戰摧萬靈回首賀軒臺

藝文類聚山海經曰西王母之山有

軒轅臺射者不敢西向梁元帝臨
終詩寂寥千載後誰畏軒轅臺
天教李令心如日書唐

興元元年六月加李晟司
徒兼中書令實封一千戶
可要昭陵石馬來唐書京兆

有九嶷山太宗昭陵在西北六十里唐會要上欲闡揚
先帝徽烈乃刻石為常所乘破敵馬六匹於昭陵闕下
安祿山步蹟潼關之戰我軍既敗賊將崔乾祐領白旗
引左右馳突又見黃旗軍數百隊官軍潛謂是賊不敢
逼之須臾見與乾祐鬪黃旗軍不勝退而又戰者不
一俄不知所在後昭陵奏是日靈宮前石人馬汗流

渾河中

唐書渾瑊本鐵勒九姓之渾部也與李
晟同平朱泚德宗還宮以賊為河中尹

晉絳節度使河中同陝虢等州及管内行
營副元帥封咸寧郡王貞元十五年薨

九廟無塵八馬回

八馬八

奉天城壘長春苔

唐書奉天
縣屬京兆

府大明元年

咸陽原上英雄骨半向君家養馬來

漢書

分醴泉置碑以父不降見殺與母關氏弟倫俱沒入官輸黃門養馬後以討莽何羅功封秬侯按舊唐書城忠勤謹慎功高不伐時論方之金日磾故末語云然

鄠杜馬上念漢書

一云五陵懷古○漢書宣帝尤樂鄠杜之間注杜屬京兆

鄠屬扶風

世上蒼龍種人間武帝孫小來惟射獵興罷得乾坤

漢書

宣帝武帝曾孫戾太子孫也高材好學然亦喜游俠闕雞走狗上下諸陵周徧三輔昌邑王廢霍光與諸大臣迎即皇渭水天開苑

三輔黃圖漢有三十六苑羽獵賦序武帝廣開上林北繞黃山濱渭

帝位

而咸陽地獻原

長安志長安萬年二縣之外有畢原白鹿原少陵原高陽原細柳原吳融詩咸

陽一火便成原

英靈殊未已丁傳漸華軒

漢書哀帝時帝舅丁明封陽安侯皇后父

傳晏封孔鄉侯說文軒曲輶輻車也

柳

動春何限葉撼曉幾多枝解有相思苦

道源註梁劉逸折楊柳詩春來

誰不思相思君自知

應無不舞時絮飛藏皓蝶帶弱露黃鸝傾國

宜通體

北史柳昂傳揚素嘗於朝堂見昂子調因獨言曰柳條通體弱獨搖不須風

誰來英華

作家獨賞眉

梁元帝詩柳葉生眉上唐太宗柳詩半翠幾眉開

巴江柳三巴記閬白二水南流自漢中經始寧城下入涪陵曲折三回如巴字曰巴江

經峻峽中謂之巴峽

巴江可惜柳柳色綠侵江好向金鑾殿兩京記大明宮紫宸殿北曰蓬萊殿西龍首山支隴起平地上有殿名金鑾殿殿旁坡名金鑾坡五代會要殿因金鑾坡以為名與翰林院相對移陰入綺牕

咸陽

咸陽

咸陽宮闕鬱嵯峨六國樓臺豔綺羅史記始皇每破諸侯寫放其宮室作

之咸陽北阪上殿屋複道周閣相通所得美人鐘鼓以充入之自是當時天一作秦非帝醉

西京賦昔者大帝悅秦繆公而覲之饗以鈞天廣樂帝
有醉焉乃為金策錫用此土而翦諸鵠首薛綜曰大帝
天也虞喜志林嘖曰天帝醉秦暴金誤隕石墜謂
秦繆公夢天帝奏鈞天樂時有此嘖事詳史記
秦一作天非地有山河言暴秦之兼并六國實天帝昇之非以其地有山河之固也

同崔八詣藥山訪融禪師

道源註稽古畧藥山在澧州惟儼禪師為

初祖太和六年入寂融禪師或其後也

共受征南不次恩

杜氏通典征南將軍漢光武建武二年置以馮異為之

報恩惟

是有忘言巖花澗草西林路

高僧傳沙門慧永居在西林與慧遠同門遊好遂邀

同止刺史桓伊以學徒日衆更為遠建東林寺

未見高僧只見猿

聞著明凶問哭寄飛卿

舊唐書溫庭筠字飛卿大中初應進士累年不

第徐商鎮襄陽往依之署為

巡官咸通初遷隋縣令卒

昔歎讒銷骨今傷淚滿膺空餘雙玉劍

曹植七啟步光之劍錯以荆山

之玉盧思道詩犀渠玉劍良

無復一壺冰

鮑照詩清如玉壺冰

家子劍有雌雄故言雙也

勢翻銀礫

一作漢○說文礫小石也梁簡文帝雪詩晚霰飛銀礫

天文露玉繩

春秋

元命苞玉衡北兩星為玉繩

何因攜庾信同去哭徐陵

聽鼓

城頭疊鼓聲

衛公兵法鼓三百三十三槌為一通鼓止角動吹十二聲為一疊

城下暮

江清欲問漁陽慘

七切

時無彌正平

後漢書彌衡字正平善擊鼓曹操召

為鼓吏著岑牟單綬之衣為漁陽慘撾容態有異音節悲壯徐鍇曰慘三撾鼓也

送崔珣往西川

唐書藝文志崔珣字夢之大中進士有詩一卷

年少因何有旅愁欲為東下更西遊一條雪浪吼巫峽

徐凝瀑布詩一條界破青山色

千里火雲燒益州

盧思道納涼賦火雲赫而四舉卜肆

至今多寂寞

高士傳嚴君平賣卜成都市中日閱數人得百錢足自養則閉肆下簾而講老子

酒壚從古擅風流

史記相如與大君俱之臨邛買酒舍令大君當壚

浣花牋紙

桃花色

寰宇記浣花溪在成都西郭外屬犀浦縣地名百花潭大歷中崔寧鎮蜀其夫人任氏本浣花

漢人後薛濤家其旁以潭水造紙為十色牋資暇錄元
和初薛濤尚松花牋而好製小詩惜其幅大乃命匠狹
小為之蜀中才子以為便後減小小題詩詠玉鈎招魂
諸牋亦如是特名曰薛濤牋
翠翹挂曲瓊些王逸注挂懸也曲
瓊玉鈎也雕飾玉鈎以懸衣服

代贈

楊柳路盡處芙蓉湖上頭雖同錦步障

晉書石崇與王愷奢靡相尚愷

作紫絲步障四十里崇以錦步障五十里敵之拾遺記石虎為浴室列鳳文錦步障紫蔽於浴所

獨映

一作鈿瑩篋

風俗通瑩篋一名坎侯漢武帝令樂人侯調作坎侯言其坎坎應節侯以姓為稱也

或曰瑩篋取其空中以鈿飾之曰鈿瑩篋

鴛鴦可羨頭俱白飛去飛來煙雨

秋

桂林

山海經桂林八樹在賁隅東注八桂成林言其大也舊唐書江源多桂不生雜木故

秦時立為桂林郡武德四年置桂州總管府後置桂管經略觀察使治桂州

城窄山將壓

柳宗元記桂州多靈山發地峭監林立四野

江寬地共浮

方輿勝覽

桂州有湘灘二

東南通絕域

方輿勝覽桂州東接諸溪南浮瓊崖

西北有

江荔江陽江

高樓

桂海虞衡志靈川興安之間有嚴關朔雪至此輒止大盛則度關至桂州城下不復南矣北城舊有

樓曰雪觀所神護青楓岸

道源注南方草木狀五嶺之間多楓木歲久則生瘤瘿一

夕遇暴雨驟雨其樹贅暗長三五尺謂之楓人越巫取之作術有通神之驗取之不以法則能飛去迷異記南

中有楓子鬼楓木之老龍移白石湫一統志白石湫在桂林府城北七十
者人形亦呼為靈楓馬里俗名殊鄉竟何禱簫鼓不曾休
白石潭宋李彥弼八桂堂記
巫卜病不求醫藥民俗篤信陰陽多尚

夜雨寄北

君問歸期未有期
巴山夜雨漲秋池
何當共剪西牕燭
却話巴山夜雨時

陳後宮

茂苑城如畫

吳都賦帶長洲之茂苑虞世南詩高臺臨茂苑按茂苑非必吳地始可稱南史宋有

樂遊苑齊起新林芳樂等苑皆在臺城內所謂茂苑城
如畫也若吳地記之茂苑其名立於貞觀中有引此者
是非閭門瓦欲流宋書元嘉十二年新作閭闔廣莫二門還依水光殿更起

月華樓

陳書後主盛修宮室無時休止稅江稅市徵取百端

侵夜鸞開鏡

范泰鸞鳥詩序

昔蜀賓王結置峻卯之山獲一鸞鳥王甚愛之三年不
鳴其夫人曰嘗聞鳥見其類而後鳴何不懸鏡以映之
王從其言鸞睹影悲鳴沖霄一奮而絕迎冬雉獻裘晉咸寧起居注太醫司馬程據上雉頭裘

一領詔於從臣皆半醉天子正無愁

北齊書後主好彈琵琶自為無愁之

曲民間謂之無愁天子

屬疾

許靖猶羈宦

蜀志許靖字文休避難走交州與相隨中外同其饑寒後因劉璋招入蜀先主即尊

號以靖

為司徒安仁復悼亡

潘岳集有悼亡詩二首

茲辰聊屬疾何日免

殊方秋蝶無端麗寒花只暫

一作更不

香多情真命薄容易

即迴腸

石榴

榴枝婀娜榴實繁榴膜輕明榴子鮮可羨瑤池碧桃樹

道源注尹喜內傳喜從老子西遊省太真王母共食碧桃紫梨

碧桃

一作眉

紅頰一千年

明日

天上參旗過

史天官書參為白虎其西有句曲九星一曰天旗正義曰參旗九星在參西天旗也

過即所謂參旗

人間燭燄銷誰言整雙履便是隔三橋

三橋三橋也

三輔黃圖渭水貫都以象天漢橫橋南渡以法牽牛史記索隱今渭橋有三所一在城西北咸陽路曰西渭橋一在東北高陵邑曰東渭橋其中渭橋在古城之口處北唐書德宗至自興元李晟戎服謁見於三橋矣處

黃金鑠

鑠門鑠也

曾來

一作求

碧綺寮

魏都賦皎日飛光於綺寮注寮窻也

凭欄

明日意池濶雨蕭蕭

飲席戲贈同舍

洞中屐響省分攜

長安志蓮花洞在神禾原鄭駙馬潛所居于美有鄭駙馬宅宴洞中詩

不是花迷客自迷珠樹重行

音憐翡翠

山海經三珠樹在厭火國北生

赤水樹如柏葉皆為珠爾雅

玉樓雙舞羨鵲雞

十洲記

翠鵲也說文弱赤雀翠青雀

崑山有天墉城四方千里城上安金臺五所玉樓十

二楚詞注鵲雞似鵲黃白色杜荀詩沙僻舞鵲雞

蘭

迴舊藥緣屏

一作緣

綠椒綴新香和壁泥

西京雜記溫室以椒塗壁世說

石崇以椒為泥塗室

唱盡陽關

一作關山非

無限疊

東坡志林舊傳陽關三疊然今世歌

者每句再疊而已若過一首言之又是四疊皆非是或每句三唱以應三疊之說則叢然無復節奏余在崑州

有文勛長官以事至自云得古本陽關其聲宛轉淒斷及在黃州偶讀樂天對酒詩云聽唱陽關第四聲自注

云第四聲勛君更盡一杯酒以此驗之若一句再疊則此句為第五聲餘為第四聲是首句不疊審矣

半

杯松葉凍頗黎

道源注本草松葉六十觔細剉呋咀水四石煮取四斗九升以釀五斗米如常

法煮松葉汁浸米并饋飯泥釀封頭七日發飲之得此酒力者甚衆韻會玻黎寶玉名本草作頗黎云西國寶貳云是水王千歲冰為之樂史太白集序白進清平詞三章太真妃持頗黎七寶杯酌西涼蒲萄酒笑領歌意

西溪

近郭西溪好誰堪共酒壺苦吟防柳暉

梁書柳暉字大賜河東解人少

工篇什為詩曰亭皋木葉下隴首秋雲飛瑯琊王融書之齋壁入梁為秘書監終吳興太守

多淚怯

楊朱

淮南子楊朱見岐路而哭之為其可以南可以北

野鶴隨君子

抱朴子周穆王南征

一軍盡化君子為猿鶴小人為沙蟲

寒松揖大夫

漢官儀秦始皇上封泰山風雨暴至休於松下

因封其樹為五大夫漢書注五大夫秦第九爵名

天涯常病意岑寂勝歡娛

憶梅

定定住

一作任

天涯依依向物華寒梅最堪恨常作去年

花

贈柳

章臺從掩映

漢書張敞為京兆尹時罷朝會走馬章臺街唐人詩有章臺柳

郢路更參

差

史記注楚都於郢今江陵縣北紀南城是至平王更城郢在江陵東北故郢城是世說桓溫自江陵北征

經金城見少為瑯琊時所種柳皆已見說風流極南史
十圍慨朕嘆曰本猶如此人何以堪
之為益州刺史獻蜀柳數株枝條狀如絲縷武帝植於
靈和殿前嘗賞玩咨嗟曰此揚柳風流可愛似張緒當
年來當婀娜時魏文帝柳賦柔橋迴行抗欲斷隄遠意
相隨忍放花如雪晉伍輯之柳賦揚零花而雪飛青樓撲酒旗齊書武帝興光
樓上施青漆謂之青樓白居易
楊柳枝詞紅板江橋青酒旗

謔柳

已帶黃金縷

劉禹錫揚柳枝詞千條金縷萬條絲

仍飛白玉花長時須拂

馬密處少藏鴉眉細從他斂

柳眉注見前

腰輕莫自斜

杜甫詩隔

戶揚柳弱嬈嬈怡
似十五女兒腰

玳梁誰道好偏擬映盧家

沈佺期古意盧家少

婦鬱金堂海燕
雙飛玳瑁梁

北禽

為戀巴江好無辭瘴霧蒸縱能朝杜宇可得值

治本聲

蒼

鷹石小虛填海

山海經赤帝之女名女娃遊於東海溺而不返化為精衛鳥常取西山木石以

填東海

蘆鈺未破矰

淮南子雁銜蘆口來有乾鵲取木抄而飛以避矰繳

技不取墮地技名乾鵲淮南子乾鵲知來而不知往此修短之分也

何不向雕陵

莊子莊周遊雕

陵之樊睹一異鵲自南來翼廣七尺目大運寸感周之顧而集於栗林周執彈而留之

初起

想像咸池日欲光

淮南子曰出於暘谷浴於咸池

五更鐘後更迴腸三

年苦霧巴江水不為離人照屋梁

神女賦耀乎如白
日初出照屋梁

楚宮

風賦楚襄王遊
於蘭臺之宮

複壁交青瑣

漢書注青瑣戶邊刻
為連瑣大以青塗之

重簾挂紫繩如何一

柱觀

清宮故事宋臨川王義慶鎮江陵於羅公洲立觀
其大而惟一柱一統志一柱觀在松滋縣東丘家

湖不礙九枝燈

西京雜記漢高祖入咸陽有青玉五枝
燈漢武內傳七月七日王母至帝掃除

宮內然九光之燈王筠
燈繁詩百花曜九枝

扇薄常規月

班婕妤怨歌行裁
為合歡扇團團似

明月梁簡文帝釵斜只鏤冰鹽鐵論如畫脂鏤冰費日
詩青山銜月規損功道源注刻水玉作釵
如鏤冰狀李賀詩史記泰昭
寒鬢釵斜玉燕光歌成猶未唱秦火入夷陵裏二十一
年白起伐楚拔郢燒夷陵唐
書峽州夷陵郡屬山南東道

柳

柳映江潭底有情望中頻遣客心驚
巴雷隱隱千山外更作章臺走馬聲

石城

石城誇窈窕樂府莫愁樂莫愁在何處莫愁石城西唐
書樂志石城在竟陵有女子名莫愁善歌

謠花縣更風流

白帖潘岳為河陽令遍樹桃李度信枯樹賦若非金谷滿園樹定是河陽一縣

花

簾水

早病切一作水非

將飄枕

唐韋思謙傳涕泗冰須冰謂涕著須而凝也讀去聲包信

詩晚漱瓊

簾烘不隱鈎

蕭詮詩珠簾半上珊瑚鈎

玉童收夜鑰

李白詩雙

鬟白

金狄守更籌

陸倕新漏刻銘銅史司刻金徒抱箭注張衡渾儀制鑄金人居壺之左金

胥徒居壺之右以左手把箭右手指刻別天時早晚西京賦列坐金狄善曰金狄金人也道源注籌即漏箭也

王褒洛都賦挈壺司刻漏搏瀉流指日命分應則唱籌

共笑鴛鴦綺

古詩客從遠方來遺我一

端綺大彩雙鴛鴦為合歡被鴛鴦兩白頭

韓碑

元和天子神武姿彼何人哉軒與義誓將上雪列聖恥

坐法宮中朝四夷淮西有賊五十載

按史肅宗寶應初以李忠臣鎮蔡州

大歷末為軍中所逐歷李希烈陳仙奇吳少誠吳少陽元濟據有淮西凡五十餘年封狼生

音

驅生

思玄賦射罽象之封狼註封大也說文驅似狸能捕獸徐云虎五指為驅爾雅驅如熊黃白文

柳宗元熊說虎畏驅驅畏虎虎畏熊不據山河據平地長戈利矛日可麾

舊唐書吳少誠阻兵三十餘年王師未嘗及其城下嘗走韓全義敗于頓驕悍無所顧忌又恃陂浸阻迴故以

天下兵環攻三年帝得聖相相曰度原注晏子春秋仲尼聖相也○唐書

元和十年六月上召裴度入賊斫不死神扶持李師道遣客殺

對拜中書侍郎同平章事

武元衡擊裴度傷首墜腰懸相印作都統元和十二年七月度請自

溝中度墮帽厚得不死

往督戰上悅以度充淮陰風慘澹天王旗慙武古通作

西宣慰招討處置使

牙爪元和十一年十二月李愬為唐鄧隋節度使十年九月韓弘為淮西都統弘請使子公武以兵萬三

千會蔡下十一年李道古為鄂岳觀察使十年二月李大通為壽州團練使碑文光顏重脣公武合攻其北道

古攻其東南大通儀曹外郎載筆隨

舊唐書以司勳員外郎李正封都官

戰其東愬入其西員外郎馮宿禮部員外郎李

宗閔皆兼侍御從度出正行軍司馬智且勇

度奏右庶子韓

愈兼御史中丞充彰義軍行軍司馬

十四萬衆猶虎貌入蔡縛賊獻太廟

十二年十月己卯李愬執吳元濟送長安帝功無與讓御興安門受俘以元濟獻廟社狗於市斬之

恩不訾

度策勛進金紫光祿大夫
上柱國封晉國公戶三千

帝曰汝度功第一汝

從事愈宜為辭

舊書韓愈傳淮蔡平十二月隨度還朝
以功授刑部侍郎仍詔撰平淮西碑

愈拜稽首蹈且舞金石刻畫臣能為古者世稱大手筆

此事不繫於職司當仁自古有不讓言訖屢領天子願

公退齋戒坐小閣濡染大筆何淋漓點竄堯典舜典字

塗改清廟生民詩文成破體書在紙

道源注破體破
當時為文之體

清

晨再拜鋪丹墀表曰臣愈昧死上詠神聖功書之碑碑

高三

一作二

大字如斗

一作手

負以靈鼇蟠以螭句奇語重

喻者少讒之天子言其私長繩百尺拽碑倒麓砂大石

相磨治

舊唐書韓愈傳碑辭多叙裴度事時入蔡擒吳元濟李愬功第一愬不平之愬妻唐安公主女也

出入禁中因訴碑辭不實詔令磨去愈大命翰林學士段大昌重撰大勒石

公之斯文若元

氣先時已入人肝脾湯盤孔鼎有迷作今無其器存其

辭嗚呼聖皇及聖相相與烜赫流淳熙公之斯文不示

後曷與三五相攀追願書萬本誦萬遍口角流沫右手

胝傳之七十有二代

史記古者封太山禪梁父者七十二家

以為封禪玉

檢明堂基

封禪儀玉牒長一尺三寸廣厚五寸五檢如之厚減三尺其印齒如璽纏以金繩五周

令狐八拾遺

絢

見招送裴十四歸華州

唐書令狐絢傳

太和四年登進士第開成初為左拾遺地理志華州華陰郡屬關內道

二十中郎未足希

一作稀○晉書謝萬弱冠辟撫軍從事中郎世說謝中郎萬是王監田女

壻驪駒先自有光輝

古樂府何以識夫壻白馬從驪駒

蘭亭讌罷方回

去海錄山陰縣西南二十里有蘭渚渚有亭曰蘭亭羲之舊跡何延之蘭亭記永和九年三月三日瑯琊王

羲之與太原孫統孫綽廣漢王彬之陳郡謝安高平知墨太原王蘊釋支遁并其子凝之徽之操之等四十有

二人會於會稽山陰之蘭亭修祓禊之禮晉書都督雪夜詩

都惜字方回鑒之子官會稽內史加鎮軍都督

成道韞歸

晉書王凝之妻謝氏字道韞安西將軍奕之女也嘗內集俄而雪驟下叔父安曰何所似

也安兄子朗曰撒鹽空中差可擬道韞曰未若柳絮因風起○按卸惜不與蘭亭四十二人之數晉書王羲之娶卽鹽女惜又羲之對夫裴十四必令狐氏之婿時攜內歸華州故有此二語耳 漢苑風煙吹

客夢雲臺洞穴接郊扉

華山志嶽東北有雲臺峰其山下通地脉巖狀獨秀有若雲臺下有穴昔有人入此穴出東方山行云經黃河底上聞流水聲

抱臨邛渴西京雜記相如素有消渴疾便欲因君問釣磯

離思

氣盡前溪舞

寰宇記前溪在烏程縣南東入太湖謂之風渚夾溪悉生箭筈晉車騎將軍沈玩

於此樂府有前溪曲玩所制樂府解題前溪舞曲也

心酸子夜歌

唐書樂志子夜歌者晉曲也晉

有女子名子夜造此歌聲過哀苦樂府解題後人更為
四時行樂之辭謂之子夜四時歌又有大子夜歌子夜
警歌子夜歌山峽雲尋不得溝水欲如何大君白頭吟今日斗
夜變歌山峽雲尋不得溝水欲如何酒會明旦溝水頭蹀
蹀御溝上溝朔雁傳書絕漢蘇武傳天子射上林中得
水東西流雁足有繫帛書言武等在
澤中湘篁染淚多注見無由見顏色還自託微波洛神賦
而通

宿駱氏亭寄懷崔雍崔衮

唐年補錄長慶元年三月王庭湊使河陽

回及流水酒因寢於道有濟源駱山人熟視之
曰貴當列土在今年秋既歸遇田弘正之難軍
士擁為留後訪駱山人待以函丈之禮乃別攜
一亭去則懸榻號駱氏亭又唐語林駱浚者度

支司書手李吉甫擢用之後典名郡有令名於
春明門外築臺榭食客皆名人盧申州題詩云
地甃如拳石谿橫似葉舟即駱氏池館也此詩
駱氏亭未知在何地唐書崔雍字順中戎之子
由起居郎出為和州刺史龐勛劫烏江雍遣人
持牛酒勞之密表其狀民不知訴諸朝宰相路
嵩傳其罪賜死衮字炳章
雍之弟見集內安平公詩

竹塢無塵水檻清相思迢遞隔重城秋陰不散霜飛晚
留得枯荷聽雨聲

風雨

淒涼寶劍篇

唐書武后索郭元振
所為文章上寶劍篇

羈泊欲窮年黃葉仍

風雨青樓自管絃
新知遭薄俗
舊好隔良緣
心斷新豐

酒銷愁斗幾千

王維詩新豐美酒斗十千

夢澤

雲夢楚二澤名漢陽圖經雲在江之北夢在江之南

夢澤悲風動白茅
楚王葬盡滿城嬌
未知歌舞能多少

虛減宮廚為細腰

墨子楚靈王好細腰其臣皆三飯為節後漢馬廖傳楚王好細腰宮中多

死餓

贈歌妓二首

水精如意玉連環

拾遺記吳孫和嘗於月下舞水精如意誤傷鄧夫人頰戰國策始皇遺齊

裏王后玉連環

后引推破之

下蔡城危莫破顏

登徒子好色賦。媼狀一笑惑陽城。迷下蔡。

注陽城下蔡二縣名。水經注蔡成公自新蔡遷於州來謂之下蔡。

紅綻櫻桃含白雪斷

腸聲裏唱陽關

白日相思可

一作不

奈何嚴城清夜斷經過只知解道春

來瘦不道春來獨自多

謝書

微意何曾有一毫空攜筆硯奉龍韜

太公六韜一曰龍韜

自蒙半

夜傳衣後

李舟能大師傳五祖弘忍告之曰汝緣在南

公滅度後諸弟子求衣不獲始相謂曰此非盧行者所得耶使人追之已去寶林傳能大師傳法衣處在曹溪寶林寺不羨王祥得佩刀晉書呂虔有佩刀工相之曰當為三公虔以贈別駕王祥祥果

傳為太

寄令狐學士今狐絢傳大中二年召拜考功郎中尋知制誥充翰林學士

秘殿崔嵬拂彩霓曹司今在殿東西廡歌太液翻黃鵠

西京雜記始元元年黃鵠下太液池帝為歌曰黃鵠飛兮下建章

從獵陳倉獲碧鷄

唐書

鳳翔府寶雞縣本陳倉至德二載更名晉太康地志秦文公時陳倉人獵得獸如兔不知名牽以獻之逢二童子童子曰此名為媚常在地中食死人腦即欲殺之拍挫其首媚亦語曰二童名陳寶得雄者王得雌者霸陳

倉人乃逐之化為雌雉上陳倉北阪為石秦祀之水經
注昔秦太公感伯王之言遊獵陳倉遇之於此坂得若
石焉其色如肝歸而曉飲豈知金掌迴三輔舊事仙人掌在甘泉宮長
寶祠之故曰陳寶
安志仙人掌大夜吟應訝玉繩低謝朓詩玉繩低建章鈞天雖許
十國以銅為之
人間聽史記趙簡子疾寤語大夫曰吾之帝所甚樂與百神遊於鈞天廣樂九奏萬舞不類三代之樂
其聲動人心
閭闔門多夢自迷

酬令狐郎中見寄

望郎臨古郡

魏書孝文曰吏部郎必使才望兼允者本集為鄭亞謝上表極望郎於南省

佳

句灑丹青應自丘遲宅

梁書丘遲字希範吳興人丘靈鞠之子八歲能屬文累官中書

郎還司徒從事中郎卒

仍過柳惲汀

白居易記湖州城東南二百步抵霅溪連汀洲洲一名

白蘋梁吳興太守柳惲於此賦詩云汀洲採白蘋因以名洲也○按丘進宅柳惲汀皆在苕霅間此必令狐綯

官湖州時有詩寄義山而以此酬之也唐史開封來江成中綯累遷庫部戶部員外郎出為湖州刺史

渺渺信去雨冥冥句曲聞仙訣

真誥句曲洞天東通林屋北通岱宗西通峩嵎

南通羅浮南史陶弘景止於句容之句曲山此山下是第八洞宮名金陵華陽之天周迴一百五十里乃於山中立館自號華陽陶隱居徧遊名山訪求仙藥既得神符秘訣以為神丹可成而苦無藥物帝給黃金朱砂曾青雄黃等復合飛丹臨川得佛經宋書謝靈運傳帝不色如霜雪服之體輕

臨川得佛經

宋書謝靈運傳帝不欲復使東歸以為臨

川內史廬山記靈運一見遠公肅朕心服乃即寺翻涅槃經名其臺曰翻經臺

朝吟拈客枕夜

讀漱僧瓶不見銜蘆雁空流腐草螢

月令腐草化為螢

土宜悲

坎井

坎井見易

天怒識雷霆

吳武陵與孟簡書霆電射天怒也不能終朝

象舟分

疆近

海錄鳥荒象舟尋隔於皇風

蛟涎浸岸腥

北夢瑣言蛟形如馬蟻涎沫腥粘掉尾纏

人而啞

補羸貪紫桂

道源注拾遺記閭河之北有紫桂成林羣仙餌焉韓終採藥詩閭河

之桂實大如棗得而食之後天而老

負氣託青萍

陳琳答曹植牋君侯東青萍干將之器注青萍

名萬里懸離抱危於訟閣

一作閣

鈴
鈴閭風搖離緒如之○句曲以下皆自序

時義山羈宦桂管故有象卉蛟涎等句

七月二十八日夜與王鄭二秀才聽雨夢後作

初夢龍宮寶燄然瑞霞明麗滿晴天旋成醉倚蓬萊樹

有箇仙人拍我肩

郭璞詩右拍洪崖肩

少頃遠聞吹細管

一作笛聞

聲不見隔飛烟逡巡又過瀟湘雨雨打

都領切又都歷切

湘靈

五十絃

楚詞伏湘靈鼓瑟兮

瞥見馮夷殊悵望

山海經冰夷人面乘兩龍注冰夷馮

夷也搜神記馮夷潼鄉隄首人

鮫綃休賣海為田

博物志鮫

八月上庚日死上帝署為河北

亦逢毛女無慘

音聊

極傳毛

人家賣綃說文綃生絲繒也

女字玉姜在華陰山中形體生毛自言始皇宮人也秦

亡入山道士教食松葉遂不饑寒韻會慘悲恨也按唐

人用無慘皆與無聊同通鑑

龍伯擎將華嶽蓮

注無慘無聊賴也其義未詳龍伯擎將華嶽蓮版崑崙

以北九萬里龍伯國人恍惚無倪明又暗低迷不已斷
長三十丈萬八千歲

還連覺來正是平階雨獨一作未背寒燈枕手眠

寄令狐郎中

嵩雲秦樹久離居雙鯉迢迢一紙書

古詩客從遠方來遺我雙鯉魚呼兒

烹鯉魚中有尺素書休問梁園舊賓客茂陵秋雨病相如史記司馬相如

客遊梁梁孝王令與諸生同舍後為孝文園令病免家居茂陵

漫成三首

不妨何范盡詩家

南史何遜字仲言八歲能賦詩弱冠舉秀才范雲見其對策大相稱賞結

為志
年友未解當年重物華遠把龍山千里雪鮑照詩胡風吹朔雪千里

度龍山注龍

將來擬並洛陽花

何遜集范廣州宅聯句洛陽城東西却作今年

別昔去雪如花今來花似雪
范廣州即雲也雲嘗遷廣州刺史

沈約憐何遜

南史沈約嘗謂遜曰吾每讀卿詩一日三復猶不能已

延年毀謝莊

南史謝莊字希逸七歲能屬文孝武嘗問顏延之曰謝希逸月賦何如答曰美則美矣但莊始知隔千里兮共明月帝召莊以延之語語之莊應聲曰延之作秋胡詩始知生為久離別沒為長不歸帝撫掌竟日

俱有得名譽底相傷

霧夕詠芙蓉何郎得意初

何遜集看伏郎新婚詩霧夕蓮出水霞朝日照梁何如花

燭夜輕扇掩紅粧

此時誰最賞沈范兩尚書

沈約領中書令遷尚書令范雲領太

子中庶子遷尚書右僕射杜甫詩沈范早知何水部

無題

一云陽城

白道縈迴入暮霞

李白詩日日采靡蕪上山成白道

斑駁嘶斷七香車

斑駁注別見魏武帝與楊彪書今贈足下畫輪四望通懋七香車二乘樂府青牛白馬七香車

春風自

共何人笑狂破陽城

一作洛陽非

十萬家

槿花二首

說文舜木槿也朝華暮落廣志日及木槿也

燕體傷風力難香積露文

雞香雞舌香也夢溪筆談按齊民要術云雞舌香世以其

似丁子故一名丁子香即今丁香是也
○燕體比其條之輕雖香比其色之豔
殷鳥開切鮮一相

雜廣韻殷亦黑色羅浮山記木槿啼笑兩難分江總木槿賦啼

妝梁冀婦紅妝蕩子家君月裏寧無姪春秋感精符人君父天母地兄

持花並笑宜笑不勝花
日姊月宋均注兄日雲中亦有君九歌有三清與仙島

於東郊姊月於西郊
三清注見前仙何事亦離羣言雲月之質宜在三清仙島之間何為亦離羣在此

耶
島蓬萊三山也

珠館薰燃久楚詞紫貝闕兮珠宮或曰江賦鮫人玉房

梳掃餘漢郊祀歌神之出排玉房晉庾闋遊仙詩玉房石楡磊砢白居易詩蟬鬢如意梳蛾眉用心掃

入三夢記唐末宮中髻為開掃教猶盤
鴛墜馬之類唐人詩還梳開掃學宮教
蘭膏明燭逸曰襞錦不成書晉書竇滔妻蘇若蘭織錦
以蘭香練膏也為迴大璇璣圖詩以贈滔
辭甚本以亭亭遠翻嫌眠眠疎爾雅眠相視也古
淒惋詩眠眠不得語迴頭
問殘照殘照更空虛

哭劉蕡

上帝深宮

一作居

閉九閭巫咸不下問銜冤

初學記世本曰巫咸作筮

○按招魂帝告巫陽云云乃下招曰王逸注巫陽受
天帝之命因下招屈原之魂此詩巫咸恐當作巫陽廣

陵別後春濤隔湓浦書來秋雨翻只有安仁能作詠

潘岳

傳岳詞藻絕麗尤善為哀誄之文

何曾宋玉解招魂

招魂

集有夏侯常侍及馬汧督諸誄

注宋玉憐屈原魂魄放平生風義無師友不敢同君哭

寢門

檀弓孔子曰師吾哭諸寢朋友吾哭諸寢門之外

杜司勳

舊唐書杜牧字牧之太和二年擢進士第累官膳部凡部員外郎出牧黃池睦

三郡遷司勳員外郎史館修撰又授湖州刺史遷中書舍人卒有集二十卷行於世

高樓風雨感斯文短翼差池不及羣刻意傷春復傷別

人間惟有杜司勳

杜牧惜春詩春半年已除其餘強為有即此醉殘花使同嘗臘酒恨望送

春杯殷勤掃花帚誰為駐東流年年常在手又贈別詩

二首粵粵哀哀十三餘豈能稍頭二月初春風十里揚

州路卷上珠簾總不如多情却似總無情惟覺罇
前笑不成蠟燭有心還惜別替人垂泪到天明

荆門西下

盛弘之荊州記郡西沂江六十里南岸有山曰荊門水經注荊門在南上

合下開
狀似門

一夕南風一葉危荊雲

疑作門

迴望夏雲時人生豈得輕

離別天意何曾忌嶮巖骨肉書題安絕徼蕙蘭蹊徑失
佳期洞庭湖濶蛟龍惡却羨楊朱泣路歧

碧瓦

碧瓦銜珠樹

碧瓦珠樹
注俱見前

紅輪

一作綸

結綺寮

按沈約詩畫
扇迎初暑紅

輪映早寒庾肩吾詩粉白映輪紅庾信詩紅輪帔角斜紅輪不知是何物楊用修云想是婦女所執如暖扇之

類入唐太宗白日半西山詩紅輪不無雙漢殿鬢御覽

暫駐此則謂紅日也綺寮注見前

史記曰衛皇后字子夫武帝侍衣得幸頭解上第一楚

見其髮鬢悅之因立為后按今本史記無此語

宮腰

細腰注

霧唾香難盡珠啼冷易銷歌從雍門學

列子

韓娥東之齊遺糧過雍門鬻歌假食而去餘響遠

梁三日不絕雍門人至今善歌妓娥之遺聲也

酒是

蜀城燒

蕭子顯詩朝酤成都酒暮數河間錢唐國史補酒則紉南之燒春

柳暗將翻巷

荷歌正抱橋鈿轅開道入

搜神記杜蘭香數詣張碩有婢子二人大者萱支小者松

夫鈿車青牛上飲食皆備白

金管隔隣調

沈約詩金瑄

居易詩曲江碾草鈿車行

玉柱響洞房

人謂賦為實因名巴賓招魂砥室翠翹絳曲瓊些注他
翠鳥名翹羽也炙殺子高髻名鳳髻上有珠翠翹
時未知意重疊贈嬌饒一作婉

蜨

葉葉復翻翻斜橋對側門蘆花惟有白柳絮一作葉可能

溫西子尋遺殿昭君覓故村方輿勝覽歸州東北四十里有昭君村年年

芳物盡來別敗蘭蓀

蠅蜨雞麝鸞鳳等成篇

韓蜨翻羅幙形管新編韓憑為宋康王舍人妻何氏美王欲之捕舍人築青陵臺何氏作烏鵲歌

以見志遂自縊死韓亦死列異傳宋康王埋韓憑夫妻宿昔大梓生有駕鸞雌雄各一恒棲樹上音聲感人或云化為曹蠅拂綺窓吳錄曹不興畫屏誤筆點汚因就改為蠅孫權謂是真以手彈之

關雞迴玉勒

說文勒馬頭絡銜也融麝暖金缸博雅缸有銜曰勒無銜曰羈

錢漢書趙昭儀居昭陽舍壁帶往往為黃金缸注壁帶壁之橫木露出如帶者以金為缸若卓缸之形西都賦金缸銜壁是為列錢又說文俗謂燈為缸江淹賦玳冬缸凝兮夜何長李白夜坐吟金缸清凝照悲啼同

瑁明書閣琉璃冰

去聲

酒缸畫樓多有主鸞鳳各雙雙

韓翃舍人即事

唐書韓翃字君平南陽人侯希逸表佐淄青幕府李勉在宣武

復辟之俄以駕部郎中知制誥終中書舍人

萱草含丹粉荷花抱綠房

魯靈光殿賦圓淵方井反植荷葉綠房紫的窈窕垂珠

曰綠房

鳥應悲蜀帝

註見前

蟬是怨齊王

古今注牛亨問董仲舒曰蟬名

蓮子也

齊女何也答曰昔齊王之后怨王而死屍變

通內藏珠

府

錄異記江州南七里店有藏珠石梁公記東海龍王第七女掌龍王珠藏

應官解玉坊

通志解玉溪在成都華陽縣大慈寺南唐韋臯所鑿用

其砂解玉則易為功○言其通內則藏珠之府也應官

則解玉之坊也因韓官中書

橋南荀令過十里送衣香

舍人故云然未必用故實

習鑿齒襄陽記到李和性愛香謂張坦曰荀令君至人

家坐幙三日香氣不散為我何如坦曰醜婦効顰見者

必走也晉荀勗為

尚書令故云令君

公子

一盞新羅酒

通典新羅國其先本辰韓種在百濟國東南五百餘里按五代唐時新羅國併於高

麗通考云高麗土無秫以稷為酒新羅酒當即此也

凌晨

英華作霜

恐易消歸應衝鼓

半去不待笙調歌好惟愁和香濃

英華作多

宣惜飄春場鋪

艾帳

鮑照雉朝飛專場挾雌恃強力道源注艾帳雉弱也李賀父如張艾葉綠花誰剪刻中藏禍機不可

測

下馬雉媒嬌

射雉賦注媒者少養雉子長而狎人能招引野雉

子初全溪作

全溪不可到況復盡餘醅漢苑生春水昆池換劫灰

曹

志怪漢武鑿昆明池極深悉見灰墨無復土以問東方朔朔曰試問西域胡至明帝時外國道人入洛時有憶劫將盡則劫燒此劫燒之餘戰蒲知雁唼鰕月覺魚來清興恭聞命言詩未敢迴

楊本勝說於長安見小男阿衮

本集樊南乙集序大中七年十

一月弘農楊本勝始來軍中懇索所有四六時義山在東川

聞君來日下

世說舉頭見日不見長安杜甫詩願枉長安日

見我最嬌兒漸大

啼應數長貧學恐遲寄人龍種瘦

按崔珣跋義山詩云成紀星郎字義山可

證義山乃隴西成紀李氏義山詩亦云我系本王孫此致稱龍種新書或云英國公世勣之後考英公孫敬業

則天時起義事敗被誅復姓
徐氏新書所云不足信也

失母鳳雛癡語罷休邊角

青燈兩鬢絲

西溪

悵望西溪水潺湲奈爾何不驚春物少只覺夕陽多色

染妖韶

一作婉

柳光含窈窕蘿人間從到海天上莫為河

詩箋天河水氣也從到海以其有朝
宗之義莫為河以其隔牛女之會合

鳳女彈瑤瑟列仙傳弄

玉隨鳳皇飛去故秦作鳳
女祠於雍宮世有簫聲

龍孫撼玉珂

道源注龍孫龍駒也本草珂貝

類皮黃黑而骨白
可為馬飾生南海

京華他夜夢好好寄雲波

義山謝河東公和詩啓某前因假日出次西溪既惜
斜陽聊裁短句蓋以徘徊勝境顧慕佳辰為芳草以
怨王孫借美人以喻君子思將玳瑁為逸少裝書願
把珊瑚與徐陵架筆斐狀而作曾無足觀不知誰何
仰達尊重果煩屬和彌復兢惶所云和詩即和此詩
也河東公者柳仲郢也義山為仲郢判官集內西溪
詩頗多皆作於東川有引放翁筆
記華州鄭縣之西溪亭者謬也

柳下暗記

無奈巴南柳

枯樹賦昔年楊柳依依漢南

千條傍吹臺

陳留風俗傳縣有倉頡師

曠城上有列仙之吹臺梁王增築以為吹臺元和郡縣志吹臺在開封縣東南六里

更將黃映白

擬作杏花媒

妓席

樂府聞挑葉

古今樂錄挑葉歌晉王子敬所作也挑葉子敬妾緣於罵愛所以歌之樂府集挑葉

王獻之妾妹曰桃根今秦淮口有挑葉渡

人前道得無勸君書小字慎莫喚

官奴

海錄右軍書樂毅論與子敬論後題云書賜官奴官奴子敬小字也按右軍有官奴帖

少年

外戚平羌第一功生年二十有重封

東觀漢記馬防援之子也兄弟三人

各六千戶防為潁陽侯特以前參贊樂勤勞綏定西羌以襄城羹亭一千二百戶增防防身帶三綬寵貴至盛

直登宣室螭頭上

漢書注宣室未央前殿正室又曰丹墀上之階曰螭頭唐會要唐左右二

史分立殿下直第二靖首坳處號曰靖頭橫過甘泉豹尾中闕輔記甘泉宮一曰雲陽宮一

日林光宮在今池陽縣西甘泉山本秦造漢武建元中增廣之周十九里去長安三百里望見長安城揚雄傳

每上甘泉常法從在屬車間豹尾中服度曰大駕八十一乘最後一乘懸豹尾別館覺來雲雨

夢後門歸去蕙蘭叢灞陵夜獵隨田竇漢書文帝葬灞陵注在長安東

南武安侯田蚡魏其侯竇嬰皆外戚不識寒郊自轉蓬

無題

近知名阿侯樂府河中之水水東流洛陽女兒名莫愁十五嫁為盧家婦十六生兒字阿侯住

處小江流腰細不勝舞眉長惟是愁後漢志元嘉中京都婦女作愁眉所

謂愁眉者細而曲折古今
注梁冀改驚翠為愁眉

黃金堪作屋何不作重樓

玄微先生

仙翁無定數時入一壺藏

後漢方術傳費長房為市吏有賣藥老翁懸一壺於肆頭

及市罷輒跳入壺中

夜夜桂露濕村村桃水香醉中拋浩劫

度人經惟

有元始浩劫之家部制我界廣異記儒謂之世釋謂之劫道謂之塵

宿處起神光

漢禮樂志用事

甘泉園丘昏祠至明夜常有神光集於祠壇

藥裏丹山鳳

杜甫詩藥裏關心詩總廢漢武內傳

仙藥有蒙山白鳳之脯

碁函白石郎

道源注碁函碁筒也樂府白石郎曲積石如玉列松如翠

郎艷獨絕世無其二李賀詩沙浦走魚白石郎愚按列仙傳白石生常煮白石為糧因號白石山居又述異記

晉王質入山見二童子石室中圍碁坐觀
之及起斧柯已爛矣此句似合用二事 弄河移砥柱

西京雜記鞠道龍說淮南王方 吞日倚扶桑 真誥欲得
士能畫地為江河砥柱注見前

二大正面向之口吐死氣鼻喻日精又曰太虛真人以
月五日夜半時存日象在心目中日從口入使照一心之

內十洲記扶桑在碧海中樹長數千里一 龍竹栽輕策

千餘園兩兩同根更相依倚故曰扶桑

後漢方術傳壺公以竹杖與長房曰乘此任所之長房

乘杖須臾來歸收杖葛陂中視之則龍也王績詩鴨挑

聞已種龍 鮫綃 一作 熨下裳 鮫綃注見前韻會熨火展

竹未經騎 鮫綃 絲 熨下裳 布南史何敬容衣裳不整

伏床樹栽嗤漢帝 漢武故事王母以桃食帝帝留核欲

熨之 種之王母笑曰此挑三千年一著子

非下土橋板笑秦王 三齊畧記始皇作石橋欲過海看
所植也 日出處有神人驅石下海石去不

速神輒鞭之
石皆流血

徑欲隨關令龍沙萬里強

列仙傳老子西遊關令尹喜知

真人當過物色而得之與老子俱至流沙之西服巨勝
實莫知所終漢班超傳贊咫尺龍沙注龍沙沙漠也

藥轉

神仙傳藥之上者有九轉還丹太乙金液僧中瘡詩爐燒九轉藥新成

鬱金堂北畫樓東

說文鬱金香草也魏畧大秦國出鬱金樂府盧家蘭室桂為梁中有鬱金

蘇合香沈佺期詩盧家少婦鬱金堂文昌雜錄唐宮中
每行幸即以鬱金布地鬱金堂或以鬱金然於堂中也

庚信詩云然

換骨神方上藥通

漢武內傳王母謂帝曰子但愛精握固閉氣吞

香鬱金屋

液一年易氣二年易脈四年易肉五年易髓六年易筋
七年易骨八年易髮九年易形杜甫詩相哀骨可換大

選註養生經上藥養命五石練形六芝
延年中藥養性合歡蠲忿萱草忘憂

露氣暗連青桂

苑嵇含南方草木狀桂出合浦生必以高山之嶺冬夏

長青林無雜樹洞冥記西王母駕玄鸞之輿至瑤所

四面列軟條青桂風風聲偏獵紫蘭叢楚詞秋蘭兮青

至自拂塔上游塵青綠紫兮紫莖

劉次莊樂府集今沅澧所生花在春則長壽未必輸孫

黃在秋則紫狀春黃不如秋紫之分韻

告道源注長壽厠籌也法苑珠林吳時於建業後園平

白地獲金像一軀孫皓素未有信置於厠處令執屏籌

至四月八日浴佛時遂尿頭上尋即通腫陰處尤刺痛

楚號叫忍不可禁太史占曰犯大神聖所致宮內伎女

有信佛者曰佛為大神陛下前穢之今急可請耶皓信

之伏枕皈依懺謝尤懇有頃以香湯洗像慙悔殷勤隱

痛漸愈香棗何勞問石崇道源注白帖石崇厠中嘗令婢

數人以塞鼻大將軍王敦至取箱棗食羣婢笑之愚按

世說石崇厠常有十餘婢侍列皆麗服藻飾置甲煎粉

沈香汁之屬人與新衣著令出客多羞不能如廁王敦
往脫故衣著新衣神色傲然羣婢相謂曰此客必能作
賊又曰王敦初尚舞陽公主如廁見漆箱盛乾棗本以
塞鼻王謂廁上亦下果食遂至盡羣婢莫不掩口白帖
合之為一義山詩亦如
此用豈別有所據耶
憶事懷人兼得句翠衾歸卧繡
簾中

岳陽樓

方輿勝覽岳陽樓在岳州郡
治西南西面洞庭左顧君山

欲為平生一散愁洞庭湖上岳陽樓可憐萬里堪乘興
枉是蛟龍解覆舟

岳陽樓

漢水方城帶百蠻四隣誰道亂周班如何一夢高唐雨

高唐賦序昔者先王嘗遊高唐夢見一婦自此無心入

人曰妾巫山之女也旦為朝雲暮為行雨

武關

武關秦劫楚懷王處漢書注武關秦南關通成陽一統志在商縣東一百八十里

寄成都高苗二從事

家近紅葉曲水濱全家羅襪起秋塵

南都賦羅襪躡蹠而容與洛神賦凌

波微步羅襪生塵

莫將越客千絲網網得西施別贈人

越燕二首

西陽雜俎紫胃輕小者是越燕胃斑黑聲大者是胡燕格物總論胡燕作

巢喜長越燕作巢如碗

上國社方見

文昌雜錄燕以春社來秋社去謂之社燕

此鄉秋不歸為矜皇

后舞

注見前

猶著羽人衣

拾遺記周昭王畫而假寤有拂人衣服皆羽毛因名羽人

拂

水斜紋亂銜花片影微盧家文杏好

盧家注見前長門賦飾文杏以為梁

試近莫愁飛

容齋隨筆莫愁郢州石城人莫愁樂所云莫愁石城西是也梁武河中之水歌洛陽

女兒名莫愁者洛陽人也近世周美成西湖一闕專詠

金陵有莫愁艇子曾繫之語豈非誤指石頭城為石城

乎梅鼎祚曰金陵莫愁湖以石城誤名耳非誤始周

也○道源曰本朝袁海叟白燕詩似從此詩翻出

將泥紅蓼岸

說文蓼辛菜蓼蒺也爾雅翼蓼有紫赤青等種最大者名龍有花白居易詩水蓼冷

花紅
簇簇

得草綠揚村命侶添新意安巢復舊痕去應逢阿

母原注樂府詩集飛伯勞西飛燕黃姑來莫害王孫漢書

成帝時童謠云山海經丹穴之山有鳥今

燕飛來啄王孫記取丹山鳳名曰鳳皇自歌自舞

為百鳥尊

韋應物詩鳳皇五色百鳥尊

杜

一作辟非

工部蜀中離席

此擬杜工部體也

人生何處不離羣世路干戈惜暫分雪嶺未歸天外使

元和郡縣志雪山在松州嘉城縣松州猶駐殿前軍唐書

東八十里春夏常有積雪故名松州猶駐殿前軍唐書

松州交川郡屬劔南道取界內甘松嶺為名又曰廣德元年魚朝恩以神策軍歸禁中永泰元年又以神策屯苑中自是勢居北軍座中醉客延醒客江上晴雲雜雨右數出征伐有功

雲美酒成都堪送老當壚仍是卓文君

唐語林蜀之士子莫不沽酒慕

相如滌器之風陳會郎中家以當壚為業元和元年及第

隋宮

紫泉宮殿鎖烟霞

上林賦左蒼梧右西極丹水更其南紫洲徑其北文穎曰西河穀羅縣有

紫澤北安為在北按唐人避高祖諱故洲作泉欲取蕪城作帝家

鮑照蕪城賦注宋孝武時

照為臨海王子瑱參軍隨至廣陵子瑱叛逆照見廣陵故城荒蕪乃漢吳王濞所都照以子瑱事同於濞遂為

賦以諷之隋書大業元年發民十萬開邦溝入江自長安至江都置離宮四十餘所

玉璽不緣歸

日角

冊府元龜太宗為秦王於宮西造宅初成高祖送玉璽以至於帝所東觀漢記光武隆準日角鄭玄

尚書中候注日角謂庭中骨起狀如日舊唐書太宗年四歲有書生相之曰龍鳳之安天日之表錦帆

應是到天涯

開河記煬帝御龍舟幸江都舳舻相繼自大堤至淮口聯綿不絕錦帆過處香聞十里

里○言神器若不歸太宗則於今腐草無螢火

隋書大業末天

帝之佚遊應不止江都而已

於今腐草無螢火

隋書大業末天

下已盜起帝於景華宮徵求螢火

終古垂楊有暮鴉

隋書

數斛夜出遊山放之光照山谷

終古垂楊有暮鴉

隋書

煬帝自板渚引河作御道植以

地下若逢陳後主豈宜

重問後庭花

隋遺錄煬帝在江都昏酒滋深嘗遊吳公宅雞臺恍惚與陳後主相遇尚喚帝為殿

下後主舞女數十中一人迴美帝屢目之後主云即麗

華也乃以海蠶酌紅梁新醞勸帝帝飲之甚歡因請麗

華舞五樹後庭花麗華徐起終一曲後主問帝

蕭妃何如此人帝曰春蘭秋菊各一時之秀也

二月二日

二月二日江上行東風日暖聞吹笙花鬢柳眼各無賴

杜甫詩隨意數花鬢白居易紫蝶黃蜂俱有情萬里憶

歸元亮井

陶潛歸園田詩井竈有遺處桑竹殘朽株

三年從事亞夫營

漢書注長

安有細柳聚周亞夫屯兵處張揖曰在昆明池南今柳市是也元和郡縣志京兆萬年縣東北三十里有細柳營

新灘

一作春

莫悟

一作訝

遊人意更作風簷夜雨

一作聲

籌筆驛

方輿勝覽籌筆驛在綿州綿谷縣北九十九里蜀諸葛武侯出師晉駐軍籌畫

於此杜牧詩永安宮受詔籌筆驛沈思畫地乾坤在濡毫勝負知

猿

一作魚

鳥猶疑畏簡書風雲常為護儲胥

長楊賦木擁槍累以為儲

胥注木擁柵其外又以竹槍累為外儲○范元實詩眼簡書軍中約束儲胥軍中藩籬也

徒令上將

揮神筆終見降王走傳車

蜀志鄧艾破蜀後主銜壁與觀降遂送洛陽

管樂

有才終不忝關張無命欲

一作復

何如他年錦里經祠廟

寰宇記諸葛武侯祠在先主廟西府城西有故宅

梁父吟成恨有餘

盛弘之荊州記鄧城

西七里有獨樂山諸葛

亮嘗登此作梁父吟

屏風

六曲連環接翠帷

唐書憲宗著書十四篇號前代君臣事跡書寫於六曲屏風李賀屏風曲

團迴六曲
抱青蘭

高樓半夜酒醒時
掩燈遮霧密如此

李尤屏風銘璽

闕風邪霧
露是抗

雨落月明俱不知

春日

欲入盧家白玉堂

古樂府黃金為君門白玉為君堂

新春催破舞衣裳

蝶銜

一作含

紅藥蜂銜粉共助青樓一日忙

武侯廟古柏

成都記武侯廟前有雙大柏古峭可愛人云諸葛手植杜甫詩丞相

祠堂何處尋錦

官城外柏森森

蜀相階前柏龍蛇捧闕宮

杜甫古柏行先主武侯同闕宮

陰成外江畔

方輿勝覽水自渝上合州至綿州者謂之內江自渝上戎渡至蜀者謂之外江老向惠陵東蜀志

昭烈帝葬惠陵陸游筆記予在成都屢至昭烈惠陵此柏在陵旁廟中忠武侯室之南

大樹思馮

異甘棠憶召公葉凋湘燕雨

湘中記零陵有石燕遇風雨則飛舞如燕止則為石

枝拆

一作拆

海鵬風

見莊子

玉壘經綸遠

蜀都賦注玉壘山名前水出焉在成都

都西北震宇記在茂州汶川縣北三里汶水所經

金刀歷數終

王莽傳劉之為字卯金刀也

誰將出師表一為問昭融

道源注昭融天也杜甫詩契合動昭融

風

撩釵盤孔雀惱帶拂鴛鴦羅薦誰教近

漢武內傳帝以紫羅薦地燭百

和之香以齋時鎖洞房
待王母

即日

一歲林花即日休江間

一作門

亭下悵淹留重吟細把真

無奈已落猶開未放愁山色正來銜小苑春陰只欲傍

高樓金鞍忽散銀壺漏

一作滴

更醉誰家白玉鉤

丁仙芝詩簾垂

白玉鉤

李義山詩集注卷一上

謹案第九頁前二行埤雅刊本埤訛稗今改

第十一頁後六行元和郡縣志刊本縣訛國按通
志有元和郡縣圖志五十四卷又有元和郡國
志十卷據下文所引係郡縣志語今改後並同
第十四頁前五行晉陽已陷休回顧按淑妃請更
殺一圍時晉陽尚未陷也此當作晉州為是又
回顧別本作回首

第二十二頁前三行以法牽牛刊本牛訛告今改

第四十一頁前一行新書所云刊本書訛史今改
第四十二頁後一行直第二螭首坳處刊本坳訛
拘今改

第四十六頁後六行在松州嘉城縣東八十里按
嘉城元和郡縣志作嘉誠此從地理志

第四十八頁前五行京兆萬年縣刊本兆作師今
改



總校官庶吉士臣張龍照
校對官檢討臣王鍾健
卷錄監生臣葉椿